

612 **D**ô sprach er: »vrouwe, ist daz wâr,
 daz ir mich grüezet âne vâr,
 sô nâhert ir dem prîse.
 ich bin doch wol sô wîse:
 5 ob der schilt sîn reht sol hân,
 an dem hât ir missetân.
 Des schildes ambet ist sô hôch,
 daz der von spotte ie sich gezôch,
 swer rîterschaft ze rehte pflac.
 10 vrouwe, ob ich sô sprechen mac,
 swer mich dâr bî hât gesehen,
 der muoz mir rîterschefte jehen.
 etswenne irs anders jâhet,
 sît ir mich êrst sâhet.
 15 Daz lâz ich sîn. nemt hin den kranz.
 ir sult durch iwer varwe glanz
 neheime rîter mære
 er bieten solh unære.
 solt iwer spot wesen mîn,
 20 ich wolt ê âne minne sîn.«
 Diu clære unt diu rîche
 sprach weinende herzenlîche:
 »hêrre, als ich iu nôt gesage,
 waz ich der ime herzen trage,
 25 sô gebt ir jâmers mir gewin.
 gein swem sich krenket mîn sîn,
 der solz durch zuht verkiesen.
 ine mac niemære verliesen
 vreuden, denne ich hân verlorn
 30 an Cidegaste, dem ûzerkorn.

sô nâhet (Sahet *G* So naher *U*) **G* **T*

anders habet ir **G* (*ohne Z*) (**T*) (*nur U*)

a. (amp *I*) was ie sô **G* **T*

daz der spot s. dâ von (sich dannan *V*) zôch, **G* (*V*) · daz s. der spot dâ von zôch, **T* (*L*)

r. ie pf. **G* (*ohne Z*) **T*

ir **T* *I* *L*

m. von êrste **G*

gebieten solich u. **T*

sol **T* (*nur U*)

ich nôt geklage (ich min not chlage *I* ich ûch sage *L*), **G* (*ohne Z*)

ich (ich ir *I*) in mînem ([*]: ich der in mime *V*) h. **G* (**T*)

ich enmac niht mære v. **G* (**T*)

dem û. (der waz erkorn *L*), **G*

**D*: *D Z* **m*: *m* **G*: *G I L Z* **T*: *U V*

1 Initiale *D Z G L U V* 7 Majuskel *D* 11 Initiale *I* 15 Majuskel *D* 21 Initiale *m* · Majuskel *D* 29 Initiale *I*

1 Dô] →o *D* · daz] ez **m* 3 nâhert] nahet *Z* (**m*) 7 ist] was ie *Z* 8 Daz er spot sich da von zoch *Z* · der] er **m* 13 irs] ir *Z* **m* 14 êrst] von erste *Z* 23 als] waz **m* 24 der ime]
 in minem *Z* (**m*) 25 jâmers] om. *Z*